

Пеймытэ эн ыши

Галина Семёнова

Суқыр луон – бадзым кайгу, уката но секыт сыче адымиослы асьсэды палэсэн но мукетъёсызлы кулэтэмен шодыны. Уго таза муртъёс, синтэмъёсты пумитаса, Чем дыръя адзымтэ но кылымтэ улсы карисько.

Адыми уг быгаты огназ улыны, солы кинэн ке но вераськоно, пумиськылоно, кинлы ке мылкыдзэ усьтоно. Жаляса верано, синтэм мурт Чем дыръя огназ кыле аслаз пеймыт дуннез. Солы улонлэсь турлы буёло туссэ тодыны кылдымтэ. Но та адымиослы, бордысьтымы палэнтэм интые, юртгыны кулэ. Ваньзэ тае туж умой тодо но суқыр, ляб адзись адымиослы юртто Удмурт Республикаысь синтэмъёслы библиотекаын ужасьёс. Шаерамы таке библиотека одйг гинэ, аслэсьтыз ужзэ мытйз 1961-тй арын 1-тй июле. Кызы со юрттэ суқырьёслы, мар капчиен сётйське, мар туннэ нуналлы вормонтэм на? Та сярысь мадэ библиотекаын тыршисьёс.

– Синтэм муртъёс – асьме кадъ ик адымиос, соослы но тунсыко, мар луэ дуннеын, – веранзэ мытэ та библиотекалэн кивалтйсьез Татьяна Тензина. – Милям специалистъёсмы суқырьёслы но ляб адзисьёслы луонлык сето таза адымиос сямен улыны, дышетскыны, шутэтскыны. Библиотекаын вань ньыль центр: огез дышетэ компьютерен вырыны, кыкетйез юрттэ синтэм нылпиослы улонын ас интызэс шедьтыны. Куинетйез тодматэ законъёсын но валэктэ инвалидъёслы соослэсь правооссэс, ньылетйез ужа книгаосты но мукет печатлам изданиосты синтэмъёслы лыдзымон карон бордын, кылсярысь, бадзым шрифтен потгыны яке аудиокассетае гожтыны. Арлы быдэ татын ужасьёс ляб адзисьёслы удмурт но Зуч кылын 30 пала выль книга дасяло.

Грант утыса, 2008-тй арын библиотекаямы компьютер класс усьтйм. Туннэ нуналлы шаерысьтымы синъёссыя инвалидъёс ми дорын гинэ быгато дышетскыны выль технологиослы. Одйг интымы вань чик номыре адзисьтэм муртлы. Отын компьютерлэн дисплеез Брайльлэн шрифтезъя тупатэмын.

Татчы ветлйсьёс Интернетэн но тодматскыны быгато, тодон-валан капчигес мед сётйськоз шуыса, дышетскисьёс ужазы куто тифломагнитофонъёсты но тифлофлэшплееръёсты. Ар но жыны куспын гинэ татын дышетскиз 75 мурт. Нош кылем арын компьютер грамоталы дышетыны кутским на ляб адзись но урод кылйсь адымиосты. Кылсярысь, драмы арняяз огпол ветло Ижысь 92-тй школаысь ляб адзись пинальёс. Компьютер шудонъёс пыр соос будэто саклыксэс но йырвизьзэс. Интернет луонлык сётэ выль эшьёс шедьтыны, пöртэм адымиосын вераськыны.

Ляб адзись пинальёслы Ижын ужа 256-тй школа-сад, 53-тй но 92-тй школаос но Якшур-Бöдья черкогуртысь интернат. Тросэз синтэмъёс доразы пуко. Таке покчиослы юрттон вылысь Удмуртиысь синтэмъёслы библиотекаын ужась Ирина Шутова кык но жыны ар талэсь азыло кылдытйз реабилитация центр. Татчы Ижысь нылпиос гинэ уг вуо, шаермылэн пöртэм сэрегёсысьтыз лыкто. Туннэ центрын дышетске 250 мурт. Занятиос ортчыло арняяз куинь пол, отчы пырисько библиотекарьёс, педагогъёс, психологъёс но анай-атайёс.

Россиысь офтальмологъёслэн огазеяськонзылэн эскеронъёсызъя странаюмы 20 процентэзлэн нылпиослэн синъёссы туж ляб адёо. Нош урод адёись адымилэн огшоры школаын дышетскыны луонлыкез но, мылкыдыз но усе.

– Та центрэз усьтыны бызьылыккум, куд-ог адымиос солэсь кулэлыксэ өз валаллялэ. Школаын, пе, нылпиосты дышето ни ук, – шуэ та центрэн кивалтйсь, валтйсь библиотекарь Ирина Вячеславовна. – Но сукур яке ляб адёисьёслы мукет условиос кулэ. Тани одйг гинэ учыр. Ижысь Виталий Ножкин чик уг адёы. 52 номеро школае дышетскыны мынэ октябрь пумын. Но отысь одйг дышетйсь но ужамын өвёл сукур нылпиен, уг тоды Брайлез, одйг пособизы но өвёл. Виталий одйг школа ужрадэ но пыриськемын өвёл, сое отчы уг отё вылэм. Озыы егит адыми кыле огназ, вые ас пушказ. Татчы ветлыны кутске – дышетскыны мылкыдыз жутске, аслыз осконэз юнма.

Мукетыз учыр. Марина Неганова туж секытэн дышетскиз огшоры школаын, умой адёись эшъёсыз съёры өз вуттйськы, школае ветлыны мылкыдыз но усиз. Нимысьтыз классэ потэмез но та центре ветлыны кутскемез бере таяз дышетскон арын математикаен контрольной ужзэ гожтйз «5»-лы, Зуч кылын – «4»-лы. Табере та адымиос пальпотыны дышизы ини, пёртэм конкурсьёсы, Чошатсконъёсы пырисько. Асьсэ кужымзылы осказы. Ми ведь татын шаертонэн, лыдёиськонэн-гожъяськонэн, суредаськонэн гинэ ум выриське. Валтйсь ужпуммы – инвалидъёслэн асдунъетсы медаз усьы, кужымзылы осконзы мед будоз. Мон, анай-атайёсын но нылпиосын кенешыкум, шуисько: киостэс гинэ эн лэзе, дорады огнады эн ворсаське. Синтэм луон – со дунне бырон өвёл. Тодады вае ай Гомер, Ванга, Д. Мильтон, Н. Островский, Н. Лобачевский, Х. Борхес кадъ дано адымиосты. Соос но синтэмесь вал, нош гормонъёссы быдэс дуннелы тодмо луизы. Котькуд инвалид пиналлэн кыче ке быгатонлыкез вань, сое шараяны гинэ кулэ. Ми соосты эмьяськом творчествоен.

Библиотекаын али ужа Ижлы 250 ар тырмонлы сйзем адёытон. Выставкае пыриськызы 8 аресысен 14 аресозь нылпиос. Суредъёсазы, киужъёсазы покчиос возматэ, кычэен адёо Удмуртилэсь шоркарзэ, эшъёссэс, семьязэс. Татысь арбериосты учкыса, уд ик малпа, соосты адёисьтэм пинальёс лэсьтйзы шуыса.

Ирина Вячеславовна 24 ар ужа ини инвалид нылпиосын. Но мылкыдэн гинэ кыдёке уд мыны. Нялтас вераса, синтэмъёслы тупась учебник берлоез печатламын вал 2000-тй арын, солэсь вылез өвёл на. Нош дышетйсьлы но инвалид пиналлы киязы кутыны номыр ке, кызы-о соосужаны кулэ?! Уг тырмо пособиос, бадёым шрифтен но яркыт суредъёсын книгаос.

Библиотекалэн директорэз Татьяна Тензина пусье: чеберлыко литературая фондэз выль изданиосын узырмытыны туж секыт. Азыло аръёсы республикалэн бюджетысьтыз араз 300 сюрс манет висьяськылйз книгаос басытонлы-дасынлы. Кризисэн валче та лыдпус 150 сюрсозь кельтэмын. Сукуръёслы но ляб адёисьёслы чаклам книгаос шаертймы «поръяло». Библиотекарьёс соосты Воткинске, Сарапулэ, мукет ёросъёсы сётъяло. Озыы ик надомной абонемент ужа, изданиосты адымилы почта пыр лэзё. Ярам коть, книга фондэз паськытатонлы федерал бюджетысь юрттэт вуэ на. Озыы ке но со уг тырмы. Синтэмъёслэн но тодматскемзы потэ туалэ произведениосын, соослэн но мылкыдыз вань кытчы ке ветлыны, кытын ке шутэтскыны. Та ласынь ми валче ужаськом Удмуртиысь Калыклы улон-вылонын юрттэт сётонъя министерствоен. Арлы быдэ инвалид нылпиос пёлын конкурс ялйськом, вормисьёсты ыстйськом лагерьёсы. Кылсырьсь, кылем арын

министерство «Заря» шутэтскон лагере 14 путёвка висъяз, туэ – 10. Таچه эшъёсмылы ми туж шумпотйськом.

Ижысь 92 номеро школалэн директорезлэн Дамир Шакировлэн но сюлмаьсконъёсыз трос. Татын 136 пинал дышетске, со пöлысь 40 процентэз ляб адзисъёс, нош 7 мурт синъёсызъя инвалид луэ.

– Школаямы ляб адзисъёслы класс усътйм 2006-тй арын. Нырысь ик нылпиос туж висъясъкылйзы вал мукетъёсызлэсь, перемена дыръя классысьтызы потаны ик уг дйсьто. Милемлы но капчи öз йöты. Урод адзисъ пинальёсты дышетон опытмы бадзым öй вал, соин ик трос литература лыдзйим, шаерысьтымы мукет школаостй ветлйим. Учебникъёс сяна, милемлы уг тырмо нимысьтыз тйрлыкъёс: магнитъёс, лупаос, телевизор, магнитофон. Соостэк сукур муртъёсты тыро-пыдо уд дышеты. Нош пинальёс тодон-валан борды кыстйсько. Визьнодам сяна, пинальёсмес ми эмъяськыны ыстйськом республикаысьтымы син эмъянъя больницае. Шумпотыса пусъёно, нылпиослэн синъёссы талэсь зол уг уродмо ини, нош кыкезлэн тупатскыны но кутскизы. Ужаны мылкыд вань, тыршеммылэн емышез но адзисъке, но инвалид нылпиосты дышетонлы, йöнатонлы трогес коньдон висъясъкысал ке, эшшо но бадзым уж нуыны, уката но трос нылпиослы юрттыны быгатысалмы, – шуэ Дамир Ойратович. Зэм, ваньмыз пыкисъке коньдон борды. Нош маин янгыш пинал, уката ик со инвалид ке? Котькудмы огпол ке но пумиськисъком синтэм муртэн. Соку ик йыре малпан лыктэ: тау Инмарлы, аслад но матысьёсыдлэн öвöл сыче кайгузы. Нош зеч кыл вераны пеймыт дуннеын уй но нунал улйсь адямилы йырамы уг лыкты. Оло, тырмоз ини таза муртъёслы синтэм карисъкыны.

Семенова, Галина Яковлевна. Пеймытэ эн ышы [Текст] / Галина Семёнова // Удмурт дунне. - 2010. - 16 июня. - С. 5 : фот